

七十二家集

增定阮步兵集序

阮嗣宗踈狂絕俗而顏延年目
之曰穢密鑒亦洞此深知嗣宗
者大人先生傳陋蟲蟻中是其
有託以自放焉未便本趣所都
也愛土風而賦東平不過求出

戶限外有咏懷八十二章拉首
陽拍湘纍悲繁華憐天折深心
輾轅而故作求僊語雜之蓋身
不能離世故逃為驚世廣武之
嘆蘓門之嘯窮途之慟縈憂樂
而橫歌哭夫亦大不得已者乎

論易論樂箇中自有三象全具
音容初何至與儒林作輒獨見
夾禮法之士都以勸進為忠禪
讓為禮禁鉅附翼為智即何曾
王休徵之屬莫不潛然故迫而
之達莊通老曰禮非我設也晉

世効顰無端作遠希
阮彼守其驪黃遺其駿逸是惡
知天馬哉余曾傳之驪贊詳言
之茲因增定步兵集而更滴餘
論以示世人幸無多仇步兵也

閩漳張燮識於願人之園

阮步兵集目錄

卷之一

賦

東平賦

元父賦

首陽山賦

清思賦

獼猴賦

鵠賦

阮步兵集

目錄

卷之二

詩

詠懷詩三首

詠懷八十二首

卷之三

牋

爲鄭冲勸晉王牋

奏記

辭蔣太尉辟命奏記

又

書

與晉王薦盧播書

答伏羲書

伏羲與阮籍書附

搏赤猿帖

卷之四

論

樂論

通易論

達莊論

通老論

卷之五

傳

大人先生傳

贊

老子贊

誄

孔子誄

吊公文

附錄

阮籍傳

唐太宗

魏散騎常侍步兵校尉東平太守阮公

碑

晉嵇

阮籍銘

晉虞 楷

七賢論

梁沈 約

竹林七賢贊

明張 燮

五君阮步兵詠

宋顏延之

阮公嘯臺

唐包融

阮籍嘯臺

唐賈島

阮籍嘯臺

宋蘇軾

遺事

集評

阮步兵集卷之一

魏陳留阮籍嗣宗著

明閩漳張燮紹和纂

賦

東平賦

夫九州有方圓九野有形勢區域高下物有其
制開之則通塞之則否流之則行壅之則止崇
之則成丘陵汙之則爲藪澤逶迤漫衍繞以大
壑及至分之國邑樹之表物四時儀其象陰陽

暢其氣傍通迴盪有形有德雲升雷動一叫一
默或山之安乃用斯感若觀夫陽隈之缺幽荒
之塗沕漠之域窮野之都奇偉譎詭可以勝圖
乃有徧遊之士浩養之雅凌驚飈躡浮霄清濁
俱逝吉凶相招是以伶倫遊鳳於崑崙之陽鄒
子喻溫於黍谷之陰伯高登降於尚季之上羨
門逍遙於三山之岑上邀玄圃下遊鄧林鳳鳥
自歌翔鸞自舞嘉穀蕃殖匪我稷黍其阨陋則
有橫術之場鹿豕之墟匪脩潔之攸麗于穢累

之所如西則首仰阿甄傍通戚蒲桑間漢上淫
荒所廬三晉縱橫鄭衛紛敷豪俊凌屬徒屬留
居是以強禦橫於戶牖怨毒奮於牀隅仍渺欲
而作惡豈待久而發諸士惟中劉王是聚高危
臨城窮川帶宇叔氏婚族實在其湄背險向水
垢汙多私是以其州閭鄙邑莫言或非殢情戾
慮以殖厥資其土田則原壤蕪荒樹藝失時疇
畝不辟荆棘不治流潢餘漚洋溢靡之東當三
齊西接鄒魯長塗千里受茲商旅力間爲率師

使以輔驕僕織邑於焉斯處川澤捷徑洞庭荆
楚遺風過焉是徑是宇由而紹俗靡則靡觀非
夷罔式導斯作賤是以其唱和矜勢背理何姦
尚氣逐利因畏惟愆其居處壅翳蔽塞窈邃弗
章倚以陵墓帶以曲房是故居之則心昏言之
則志哀悻罔徙易靡所寤懷其外有濁河縈其
澹清濟盪其樊其北有連岡施靡崎嶇山陵崔
巍雲電相干長風振厲蕭條太原其南則浮汶
湛湛行潦成池深林茂樹蓊鬱參差群鳥翔天

百獸交馳雖黔首之不淑兮儻山澤之足彌古
哲人之攸貴兮好政教之有儀彼玄真之所寶
兮樂寂寞之無知咨閭閻之散感兮因回風以
揚聲瞻荒榛之蕪穢兮顧東山之葱菁甘丘里
之舊言兮發新詩以慰情信嚴霜之未滋兮豈
丹木之再榮北門悲於殷憂兮小弁哀於獨誠
鷗端一而慕仁兮何淳朴之靡逞彼羽儀之感
志兮矧伊人之匪靈時愒惘以遙思兮飈飄飄
以欲歸欽不遊於陵顛兮舉斯群而競飛物脩

化而神樂兮寧遐觀之可追乘松舟以載險兮
雖無維而自縶騁驂騑於狹路兮傾蹇驢而弗
及資童甫以遊越兮見犀光而先入被文繡而
賈戎兮識旃裘之必襲奉淳德之平和兮孰斯
邦之可集將言歸於美俗兮請王子與俱遊漱
玉液之滋怡兮飲白水之清流遂虛心而後已
今又何懷乎患憂重曰嘉年時之淑清兮美春
陽以肇夏託思飈而載行兮因形骸以成駕遵
間維而長驅兮問迷罔於苑風玄雲興而四周

兮寒雨淪而下降忽一寤而喪軌兮蹈空虛而
遂征扶搖蔽於合壚兮咸池照乎增城欣煌熠
之朝顯兮喜太陽之炎精測虛舟以遑思兮聊
逍遙於清漠謹玄真之誕訓兮想至人之有形
繡靡覩其紛錯兮慮彌遠而度逼並旋輒於畎
澮兮若空桑之可卽言淫衍而莫止兮心綿綿
而未息集舒詒以鑒戒兮賜衆誨之難測神遙
遙以杼歸兮畏雙環之在側咨禽鳥之不群兮
悼悠悠之無極感藜藿之易脩兮攝左右之相

譽懼從風而永去兮託顓頊於鮒隅雖琴瑟之
畢存兮豈聲曲之復舒慮遨遊以觀奇兮彼上
騰其焉如紛晻曖以亂錯兮漫浩漭而未靜理
都繆而改據兮竦端嚴以整制規矩以儀衛
兮占我龜以觀省眺茲興之所徹兮寔斯近而
匪遠豈三年之無問兮將一往而九反顧杲日
之初開兮馳曲陵而飾容時零落之飄飄兮試
枯苑之必從釋遼遙之濶度兮習約結之常契
巡襄城之間收兮誦純一之遺誓被風雨之沾

滯兮安敢軒翥而遊畧竊悄悄之眷貞兮泰恬
淡而永世豈淹留以爲感兮將易貌乎殊方乃
擇高以登栖兮泠欣欣而樂康



元父賦

吾嘗遊元父登其城使人愁思作賦以記之言
不足樂也

元父者九州之窮地先代之幽墟者也故其城
郭卑小局促危隘不遐其土田則汙除漸淤泥
濕槃沔方池邊屬今容水瀟沱穢菜惟產今不
食實多地下沉陰兮受氣匪和太陽不周兮殖
物靡嘉故其人民頑嚚樸杻下愚難化其區域
壅絕斷塞分迫旋淵終始同貫本末相牽疇昔

訖今曠世歷年鉅野灌其後窮濟盡其前咀澹
不暢垢濁寔臻不肖群聚空空無賢故其民放
散肴亂數竄澤居比跡麋鹿齊志豪軀是以其
原壤不辟樹藝希疏莧葦彌臯蚊蚋慘膚也于
其遠險則右金鄉而左高平崇陵崔巍深溪嶢
嶢美類不處熊虎是生故人民被害嚼齧禽性
獸情爾之近阻則鳴鳩蔭其前曲城發其後鴟
梟群翔狐狸萬口故其人民狼風豺氣盪電無
厚南望春申東瞻孟嘗袤界薛邑境邊山陽逆

旅行舍姦盜所藏北臨平陸齊之西封捷徑燕
趙邈遯逍遙故其人民側匿頗僻隱蔽不公懷
私抱詐爽惡是從禮義不設淳化匪同先哲遺
言有昭有聾如何君子栖遲斯邦

首陽山賦

正元元年秋余尚爲中郎在大將軍府獨往南
牆下北首陽山賦曰

在茲年之末歲兮端旬首而重陰風飄回以曲
至今雨旋轉而纖襟蟋蟀鳴乎東房兮鵙鵙號
乎西林時將暮而無儔兮慮悽愴而感心振沙
衣而出門兮纓委絕而靡尋步徙倚以遙思兮
喟歎息而微吟將脩飭而欲往兮衆齟齬而笑
人靜寂寞而獨立兮亮孤植而靡因懷分索之

情一兮穢群僞之射真信可實而弗離兮寧高
舉而自傾聊仰首以廣曠兮瞻首陽之岡岑樹
藜茂以傾倚兮紛蕭爽而揚音下崎嶇而無薄
兮上洞徹而無依鳳翔過而不集兮鳴皋群而
並棲颺遙逝而遠去兮二老窮而來歸寔囚軋
而處斯兮焉暇豫而敢誹嘉粟屏而不存兮故
甘死而探微彼韓殷而從昌兮接危敗而弗遲
此進而不合兮又何稱乎仁義肆壽夭而弗豫
兮競毀譽以爲度察前載之是云兮何美論之

足慕苟道求之在細兮焉子誕而多辭且清處
以守神兮豈慷慨而言之

清思賦

余以爲形之可見非色之美音之可聞非聲之
善昔黃帝登仙於荆山之上振咸池於南之
岡鬼神其幽而夔牙不聞其章女娃耀榮於東
海之濱而翩翩於洪西之旁林石之隕從而瑤
臺不照其光是以微妙無形寂寞無聽然後乃
可以窺窈窕而淑清故白日麗光則季后不步
其容鐘鼓聞鈴則延子不揚其聲夫清虛寥廓
則神物來集飄飄恍惚則洞幽貫冥冰心玉質

則皦潔思存恬淡無慾則泰志適情伊衷慮之
適好兮又焉處而靡逞寒風邁於黍穀兮誨子
而遊鵲申孺悲而母歸兮吳鴻哀而象生茲感
激以達神豈浩養而弗營志不覲而神正心不
蕩而自誠固秉一而內脩堪學止之匪傾惟清
朝而夕晏兮指濛汜以永寧是時羲和旣頽玄
夜始扃望舒整轡素風來征輕帷連颺華茵肅
清彭蜺微吟螭蛄徐鳴望南山之崔巍兮顧北
林之蔥菁太陰潛乎後房兮明月耀乎前庭廼

申展而缺寐兮忽一悟而自驚焉長靈以遂寂
兮將有歛乎所之意流盪而改慮兮心震動而
有思若有來而可接兮若有去而不辭心恍惚
而失度情散越而靡治豈覺察而明真兮誠雲
夢其如茲驚奇聲之異造兮鑑殊色之在斯開
丹田之琴瑟兮聆崇陵之參差始徐唱而微響
兮情悄慧以蛺蝶遂招雲以致氣兮乃振動而
大駭聲颼颼以洋洋若登崑崙而臨西海超遙
茫渺不能究其所在心漾漾而無所終薄兮思

悠悠而未半鄧林殪於大澤兮欽邵悲於瑤岸
徘徊夷由兮猗靡廣衍遊平圃以長望兮乘脩
水之華旂長思肅以永至今滌平衢之大夷循
路曠以徑通兮辟閨闥而洞闢羨要眇之飄遊
兮倚東風以揚暉沐洧淵以淑密兮體清潔而
靡譏厭白玉以爲面兮披丹霞以爲衣襲九英
之曜精兮珮瑤光以發微服儵煜以繽紛兮綵
衆采以相綏色熠熠以流爛兮紛雜錯以葳蕤
象朝雲之一合兮似變化之相依麾常儀使先

好兮命河女以胥歸步容與而特進兮
聆兩楹而升墀振璫谿而鳴玉兮播陵陽之
斐斐蹈涓涿之危跡兮躡離散之輕微釋安朝之朱屨兮
踐席假而集帷敷斯來之在室兮乃飄忽之所
晞馨香發而外揚兮媚顏灼以顯姿清言竊其
如蘭兮辭婉婉而靡違託精靈之運會兮浮日
月之餘暉假淳氣之精微兮幸備嬾以自私願
申愛於今夕兮尚有訪乎是非被芬芳之夕暢
兮將暫往而永歸觀悅懌而未靜兮言未究而

心悲嗟雲霓之可憑兮。繼揮翼而俱飛。棄中堂之局促兮。遺戶牖之不處。臨莽張而靡御兮。几筵設而莫拊。載雲輿之奄靈兮。乘夏后之兩龍。折丹木以蔽陽兮。竦芝蓋之三重。翩翩翼翼以左右兮。紛紛悠悠以容容。瞻朝霞之杳杳兮。似美人之懷憂。采色雜以成文兮。忽離散而不留。若將言之未發兮。又氣變而飄浮。若垂髦而失鬣兮。飾未集而形消。目流盼而自別兮。心欲來而貌遼。紛綺靡而未盡兮。先列宿之規矩。時儻莽而

陰瞋兮忽不識乎舊宇邁黃妖之崇臺兮雷師
奮而下雨內英哲與長年兮簪離倫與麝曹摧
翹翹而折鬼神兮直徑登乎所期歷四方而縱
懷兮誰云顧乎或疑超高躍而疾驚兮至北極
而放之援間維以相示兮臨寒門而長辭旣不
以萬物累心兮豈一女子之足思

獼猴賦

昔禹平水土而使益驅禽滌蕩川谷兮櫛梳山
林是以神姦形於九齡而異物來臻故豐狐文
豹釋其表閭尾騶虞獻其珍夸父獨鹿拔其豪
青馬三騅棄其群此以其壯而殘其生者也若
夫熊狔之遊臨江兮見厥功以乘危夔負淵以
肆志兮揚震聲而皮處閒曠而或昭兮何幽
隱之罔隨魑畏逼以潛身兮穴神丘之重深終
或餌以求食兮鳥鑿之而能禁誠有利而可欲

今雖希覲而爲禽故近者不稱藏遠者不歷年
大則有僭於萬年細者則爲笑於目前夫獼猴
直其微者也猶繫累於下陳體多似而匪類形
乖殊而不純外察慧而內無度兮故人面而獸
心性褊淺而干進兮似韓非之囚秦楊眉額而
驟呻兮似巧言而僞直潘從後之繁衆兮猶伐
樹而喪隣整衣冠而偉服兮懷項王之思歸耽
嗜慾而盼視兮有長卿之妍姿舉頭吻而作態
兮動可增而自新沐蘭湯而滋穢兮匪宋朝之

媚人終蚩弄而處泄兮雖近習而不親多才伎
其何爲固受垢而貌侵姿便捷而好技兮超超
騰躍乎岑岵旣東東避兮遂中岡而被尋
嬰徽纏以拘制兮顧西山而長吟緣攘櫓以容
與兮志豈忘乎鄧林庶君子之嘉惠設奇視以
盡心且須臾以永日焉逸豫而自矜斯伏死於
堂下長臧沒乎形神

鳩賦

嘉平中得兩鳩子常食以黍稷後卒爲狗所殺
故爲作賦

伊嘉年之茂惠洪肇恍惚以發蒙有期緣之奇
鳥以鳴鳩之攸同翔彫木以胎隅寄增巢於喬
松翬雲霧以消息遊朝陽以相從曠踰旬而育
類嘉七子之脩容始戢翼而樹羽遭金風之蕭
瑟旣顛覆而靡救又振落而莫弼陵桓山以徘徊
臨舊鄉而思入揚哀鳴以相送悲一往而不

集絳飄播以流離傷弱子之悼栗何依恃以育
養賴兄弟之親戚背草萊以求仁託君子之靜
室甘黍稷之芳餼安戶牖之無疾潔文襟以交
頸抗華麗之艷溢端妍姿以鑒飾好威儀之如
一聊俛仰以逍遙求愛媚於今日何飛翔之羨
慕願投報而忘畢值狂犬之暴怒加楚害於微
軀欲殘沒以糜滅遂捐棄而淪失

阮步兵集卷之二

魏陳留阮籍嗣宗著

明閩漳張燮紹和纂

詩

詠懷詩三首

天地網緼元精代序清陽曜靈和風容與明日
映天甘露被宇翳鬱高松猗那長楚草蠶哀鳴
鷁鷁振羽感時興思企首延佇於赫帝朝伊衡
作輔才非允文器非經武適彼沅湘託分漁父

優哉游哉爰居爰處

月明星稀天高氣寒桂旗翠旌珮玉鳴鸞濯纓
醴泉被服蕙蘭思從二女適彼湘沅靈幽聽微
一作誰觀玉顏灼灼春華綠葉含丹日月逝矣
惜爾華繁

清風肅肅脩夜漫漫嘯歌傷懷獨寐寤言臨觴
拊膺對食忘餐世無萱草令我哀嘆鳴鳥求友
谷風刺愆重華登庸帝命凱元鮑子傾蓋仲父
佐桓回濱嗟虞敢不希顏志存明規匪慕彈冠

我心伊何其芳若蘭

詠懷八十二首

馬惟謫曰阮嗣宗集傳之既久頗存偽闕世之較錄者往往爲補綴作者之旨淆亂甚焉今以諸本參校其義稍優者爲正文互異者分註於下其舊有闕文疑字而今本竄益者廊其傍俟再考正

夜中不能寐起坐彈鳴琴薄帷鑒明月清風吹
我襟孤鴻號外野翔鳥鳴北林徘徊將何見憂
思獨傷心

二妃遊江濱逍遙順風翔交甫懷環珮婉孌有

芬芳倚靡情歡愛千載不相忘傾城迷下蔡容
好結中腸感激生憂思萱草樹蘭房膏沐爲誰
施其雨怨朝陽如何金石交一旦更離傷

嘉樹下成蹊東園桃與李秋風吹飛藿零落從
此始繁華有憔悴堂上生荆杞驅馬舍之去去
上西山趾一身不自保何況戀妻子凝霜被野
草歲暮亦云已

天馬出西北由來從東道春秋非有託富貴焉
常保清露被皐蘭凝霜霑野草朝爲媚

五臣
作美少

年夕暮成醜老自非王子晉誰能常美好

平生少年時輕薄好絃歌西遊咸陽中趙李相
經過娛樂未終極白日忽蹉跎驅馬復來歸反
顧望三河黃金百鎰盡資用常苦多北臨太行
道失路將如何

昔聞東陵瓜近在青門外連畛距阡陌子母相
鈎帶五色曜朝日嘉賓四面會膏火自煎熬多
財爲患害布衣可終身寵祿豈足賴

炎暑惟茲夏三旬將欲移芳樹垂綠葉青雲自

逶迤四時更代謝日月遞參差

一作差馳

徘徊空堂

上忉怛莫我知願覩卒歡好不見悲別離

灼灼西隤日餘光照我衣迴風吹四壁寒鳥相

因依周周尚銜羽蛩蛩亦念饑如何當路子磬

折忘所歸豈爲夸譽名憔悴使心悲寧與燕雀

翔不隨黃鵠飛黃鵠遊四海中路將安歸

步出上東門北望首陽岑下有采薇士上有嘉

樹林良辰在何許凝霜霑衣襟寒風振山岡玄

雲起重陰鳴鴈飛南征鸛鳩發哀音素質游商

辭懷愉傷我心

北里多奇舞濮上有微音輕薄閒遊子俯仰乍
浮沈捷徑從狹路僂僂趨荒淫焉見王子喬乘
雲翔鄧林獨有延年術可以五臣作用慰我心

湛湛長江水上有楓樹林臯蘭被徑路青驪逝
駸駸遠望令人悲春氣感我心三楚多秀士朝
雲進荒淫朱華振芬芳高蔡相追尋一爲黃雀
哀淚下誰能禁

昔日繁華子安陵與龍陽夭夭桃李花灼灼有

輝光悅懌若九春馨折似秋霜流盼發姿媚言
笑吐芬芳携手等歡愛宿昔同衣裳願爲雙飛
鳥比翼共翱翔丹青著明誓永世不相忘

登高臨四野北望青山阿松柏翳岡岑飛鳥鳴
相遇感慨懷辛酸怨毒常苦多李公悲東門蘇
子狹三河求仁自得仁豈復嘆咨嗟

開秋兆涼氣蟋蟀鳴牀帷感物懷殷憂悄悄令
心悲多言焉所告繁辭將訴誰微風吹羅袂明
月耀清暉晨鷄鳴高樹命駕起旋歸

昔年十四五志尚好讀書被褐懷珠玉顏閔相
與期開軒臨四野登高望所思丘墓蔽山岡萬
代同一時千秋萬歲後榮名安所之乃悟羨門
子噉噉令自嗤

徘徊蓬池上還顧望大梁綠水揚洪波曠野莽
茫茫走獸交橫馳飛鳥相隨翔是時鷄火中目
月正相望朔風厲嚴寒陰氣下微霜羈旅無儔
匹俛仰懷哀傷小人計其功君子道其常豈惜
終焦悴詠言著斯章

獨坐空堂上誰可與歡者出門臨永路不見行
車馬登高望九州悠悠分曠野孤鳥西北飛離
獸東南下日暮思親友晤言用自寫

懸車在西南羲和將欲傾流光耀四海忽忽至
夕冥朝爲咸池暉蒙汜受其榮豈知一作放窮達

士一死不再生視彼桃李花誰能久熒熒君子

在何許歎息一作曠世未合并瞻仰景山松可以慰

吾情

西方有佳人皎若白日光被服織羅衣左右珮

雙璫脩容耀姿美順風振微芳登高號所思舉

袂當

一作

朝陽寄顏雲霄間揮袖凌虛翔飄飄

慙慙中流眄我傷悅懌未交接晤言用

感傷

楊朱泣岐路墨子悲染絲揖讓長離別飄飄難
與期豈徒燕婉情存亡誠有之蕭索人所悲旣
繫不可辭趙女媚中山謙柔愈見欺嗟嗟塗上
士何用自保持

於心懷寸陰羲陽將欲冥揮袂撫長劒仰觀浮
雲征雲間有玄鶴抗志揚哀聲一飛沖青天曠

世不再鳴豈與鶉鷃遊連翩戲中庭

京師曹氏家藏阮步

食詩一卷唐人所書與世所傳多異其一篇云
故心懷寸陰義和將欲冥揮袂撫長綽仰觀浮
雲行雲間有立鷁抗首揚哀聲一飛冲青天疆
世不再鳴安與鶉鷃徒翩翩戲中庭孔宗翰亦
有本與此多同

夏后稷靈輿夸父爲鄧林存亡從變化日月有
浮沉鳳皇鳴參差伶倫發其音王子好簫管世
世相追尋誰言不可見青鳥明我心

東南有射山汾水出其陽六龍服氣輿雲蓋切

一作覆

天綱仙者四五人逍遙晏蘭房寢息一純

和呼噏成露霜沐浴丹淵中照耀日月光豈安

通

一作

靈臺游漾去高翔

殷憂令志結怵惕常若驚逍遙未終晏朱華忽
西傾蟋蟀在戶牖聽蛄鳴中庭心腸未相好誰
云亮我情願爲雲間鳥千里一哀鳴三芝延瀛
洲遠遊可長生

拔劍臨白刃安能相申傷但畏工言子稱我三
江旁飛泉流玉山懸車棲扶桑日月經千里素
風發微霜勢

外編作世

路有窮達咨嗟安可長

朝登洪坡顛日夕望西山荆棘被原野群鳥飛

翩翩鸞鷟時

一作棲宿性命有自然建木誰能

近射于復嬋娟不見林中葛延蔓相勾連

周鄭天下交街術當三河妖冶聞都子煥燿何

芬葩玄髮發朱顏盼盼有光華傾城思一顧遺

視來相誇

物學作過

願爲三春遊朝陽忽嗟跼盛衰

在須臾離別將如何

若花

一作木

燿四

一作西

海扶桑翳瀛洲日月經天

塗明暗不相讐

一作

窮達自有常得失又何求

豈效路上童攜手共遨遊陰陽有變化誰云沉
不浮朱轡躍飛泉夜飛過吳洲覺倬運天地再
撫四海流繫累名利場駑駿同一轡豈若遺耳
目仆遐去殷憂

昔余遊大梁登于黃華顛其工宅玄冥高臺造

青天幽荒邈悠悠悽愴懷所憐所憐者誰子明

察自照妍

一作應自然

應龍沈冀州妖女不得眠肆

侈陵世俗豈云永厥年

驅車出門去意欲遠征行征行安所如背棄羣

與名夸名不在已
情單帷蔽皎日
高榭隔微聲
讒邪使交疏
浮雲令晝冥
嬾妮同衣裳
一顧傾人城
從容在一時
繁華不再榮
旋朝奄復暮
不見所歡形
黃鳥東南飛
寄言謝友生
駕言發魏都
南向望吹臺
簫管有遺音
梁王安在哉
戰士食糟糠
賢者處蒿萊
歌舞曲未終
秦兵已復來
夾林非吾有
朱宮生塵埃
軍敗華陽下
身竟爲土灰

朝陽不再盛
白日忽西幽
去此若俯仰
如何似

九秋人生若塵露天道邈悠悠齊景升丘山涕
泗紛交流孔聖臨長川惜逝忽若浮去者余不
及來者吾不留願登太華山上與松子遊漁父
知世患乘流泛輕舟

一日復一夕一夕復一朝顏色改平常精神自
損消胸中懷湯火變化故相招萬事無窮極一作
理知謀苦不饒但恐須臾間魂氣隨風飄終身
履薄冰誰知我心焦

一日復一朝一昏復一晨容色改平常精神自

飄淪臨觴多哀楚思我故時人對酒不能言悽
愴懷酸辛願耕東臯陽誰與守其真愁苦在一
時高行傷微身曲直何所爲龍蛇爲我鄰

世務何繽紛人道苦不遑壯年以時逝朝露待
太陽願攬羲和轡白日不移光天階路殊絕雲
漢邈無梁濯髮暘谷濱遠遊崑嶽側登彼列仙
阻採此秋蘭芳時路烏足爭太極可翱翔

誰言萬事難逍遙可終生臨堂翳華樹悠悠念
無形彷徨思親友倏忽復至冥寄言東飛鳥可

用慰我情

嘉時在今辰零雨灑塵埃臨路望所思日夕復
不來人情有感慨蕩漾焉能排揮涕懷哀傷辛
酸誰語哉

炎光延萬里洪川蕩湍瀨彎弓掛扶桑長劒倚
天外泰山成砥礪黃河爲裳帶覩彼莊周子榮
枯何足賴捐身棄中野烏鳲作患害豈若雄傑
士功名從此大

壯士何慷慨志欲威八荒驅車遠行役受命念

自忘良弓挾烏號明甲有精光臨難不顧生身
死魂飛揚豈爲全軀士效命爭戰場忠爲百世
榮義使令名彰垂聲謝後世氣節故有常

混元生兩儀四象運衡璣噉日布炎精素月垂
景輝晷度有昭回哀哉人命微飄若風塵逝忽
若慶雲晞脩齡適余願光寵非已威安期步天
路松子與世違焉得凌霄翼飄飄登雲湄嗟哉
尼父志何爲居九夷

天網彌四野六翮掩不舒隨波紛綸客

一作落

汎

汎若浮鳬

一作是鷖

生命無期度朝夕有不虞列仙

停脩齡養志在冲虛飄飄雲日間邈與世路殊

榮名非已寶聲色焉足娛採藥無旋返神仙志
不符逼此良可感爲我久躊躇

王業須良輔建功俟英雄元凱康哉美多士頌
聲隆陰陽有舛錯日月不常融天時有否泰人
事多盈冲園綺遯南嶽伯陽隱西戎保身念道
真寵耀焉足崇人誰不善始妙能尅厥終休哉
上世士萬載垂清風

鴻鵠相隨飛飛適荒裔雙鴈臨長風須臾萬
里逝朝餐琅玕實夕宿丹山際抗身青雲中網
羅孰能制豈與鄉曲士攜手共言誓

從藝文
定正

儔物終始殊脩短各異處琅玕生高山芝英耀
朱堂熒熒桃李花成蹊將夭傷焉斂希千術三
春表微光自非淩風樹憔悴烏有常

幽蘭不可佩朱草爲誰榮脩竹隱山陰射干臨
增城葛藟延幽谷絲絲瓜瓞生樂極消靈神哀
深傷人情竟知憂無益豈若歸太清

鷺鳩飛桑榆海鳥運天池豈不識宏太羽翼不
相宜招搖安可翔不若棲樹枝下集蓬艾間上
遊園圃籬但爾亦自足用子爲追隨

此首藝文類聚所載

與今本不同而義意近優觀李善文選注江文通擬詠懷詩新引與藝文同亦一證也今從藝文定

正

生命辰安在憂戚滄沾襟高鳥翔山岡鷺雀棲
下林青雲蔽前庭素琴悽我心崇山有鳴鶴豈
可相追尋

鷺鳩嬉庭樹焦明遊浮雲焉見孤翔鳥翩翩無

匪群死生自然理消散何繽紛

夢遊三衢勿惆悵念所思豈爲今朝見恍惚誠

有之澤中生喬松萬世未

一作安

可期高鳥摩天

飛凌雲共遊嬉豈有孤行士垂涕悲故時

清露爲凝霜華草成蒿萊誰云君子賢明達

一作

自安可能乘雲招松喬呼喻永矣哉

丹心失恩澤重德喪所宜善言焉可長慈惠未

易施不見南飛鸞羽翼正差池高子怨新詩三

閭悼乖離何爲混沌氏倏忽體貌隳

十日出陽谷弭節馳萬里經天耀四海倏忽潛
濛汜誰言焱炎久遊沒河行俟逝者豈長生亦
去荆與杞千歲猶崇朝一餐聊自已一作百是
非得失間焉足相譏理計利知術窮衰情遽能
止

自然有成理生死道無常智巧萬端出大要不
易方如何夸毘子作色懷驕腸乘軒驅良馬憑
几向膏梁被服織羅衣深榭設閑房不見日夕
華翩翩飛路傍

夸談快憤蕙情

一作情

懣發煩心西北登不周東

南望鄧林曠野彌九州崇山抗高岑一餐度萬
世千歲再浮沈誰云玉石同淚下不可禁

人言願延年延年欲焉之黃鵠呼子安千秋未

可期獨坐山巖中惻愴懷所思王子一何好倚

靡相攜持悅懌猶今辰計校在一時置此明朝

事日夕將見欺

今本作潛見安能處山巖在一時置此明朝事日夕將見欺

貴賤在天命窮達自有時婉孌佞邪子隨利來

相欺孤思損惠施但爲讒夫出鵲鵲鳴雲中載

飛靡所期焉知傾側士一旦不可持

驚風振四野迴雲陰堂隅牀帷爲誰設几杖爲誰扶
雖非明君子豈闇桑與榆世有此輩曠芒芒將焉如
翩翩從風飛悠悠去故居離麾玉山
下遺棄毀與譽

危冠切浮雲長劒出天外細故何足慮高度跨
一世非子爲我御逍遙遊荒裔顧謝西王母吾
將從此逝豈與蓬戶士彈琴誦言誓

河上有丈人緯蕭棄明珠甘彼藜藿食樂是蓬

蒿廬豈效續紛子良馬騁輕輿朝生衢路旁夕
瘞橫術隅歡笑不終晏俛仰復欷歔鑒茲二三
者憤懣從此舒

儒者通六藝

義一作

立志不可干違禮不爲動非

法不肯言渴飲清泉流饑食并

甘一作

一簞歲時

無以祀衣服常苦寒屣屨詠南風緇袍笑華軒
信道守詩書義不受一餐烈烈褒貶辭老氏用
長歎

少年學擊刺

一作

妙伎過曲城英風截雲霓超

世發奇聲揮劒臨沙漠飲馬九野垓旗幟何翻
翻但聞金鼓鳴軍旅令人悲烈烈有豪情念我
平常時悔恨從此生

平晝整衣冠思見客與賓賓客者誰子倏忽若
飛塵裳衣佩雲氣言語究靈神須臾相背棄何
時見斯人

多慮令志散寂寞使心憂翱翔觀陂一作澤撫
劒登輕舟但願長閒暇後歲復來遊

朝出上東門遙望首陽基松柏鬱森沈鸛黃相

與嬉逍遙九曲間徘徊欲何之念我平居時鬱
然思妖姬

王子十五年遊衍伊洛濱朱顏茂春華辯慧懷
清真焉見浮丘公舉手謝時人輕蕩易恍惚飄
飄棄其身飛飛鳴且翔揮翼且酸辛

塞

一作寒

門不可出海水焉可浮朱明不相見奄

昧獨無侯持瓜思東陵黃雀誠獨羞失勢在須
臾帶劒止吾丘悼彼桑林子涕下自交流假乘
汧滑間鞍馬去衝遊

洪生資制度被服正有常尊卑設次序事物齊
紀綱容飾整顏色磬折執圭璋堂上置玄酒室
中盛稻粱外厲貞素談戶內滅芬芳放口從衷
出復說道義我方委曲周旋儀姿態愁我腸

北臨乾昧谿西行遊少任遙顧望天津駘蕩樂
我心綺靡存亾門一遊不再尋儻遇晨風鳥飛
駕出南林漭漭瑤光中忽忽肆荒淫休息晏清

都超世又誰禁

一作起坐
復誰禁

人知結交易交友誠獨難險路多疑惑明珠未

可干彼求饗太牢我欲并一餐損益生怨毒咄咄復何言

有悲則有情無悲亦無思

一作無情亦無悲

苟非嬰網

罟何必萬里畿翔風拂重霄慶雲招所睇灰心

寄枯宅曷顧人間姿

一作曲

得忘我難焉知嘿

自遺

木槿榮丘墓煌煌有光色日頽林中翩翩零

路側蟋蟀吟戶牖蟋蟀鳴荆棘蟬蛸玩三朝采

采脩羽翼衣裳爲誰施俛仰自收拭生命幾何

時慷慨各努力

脩塗馳軒車長川載輕舟性命豈自然勢路有
所由高名令志惑重利使心憂親昵懷反側骨
肉還相讐更希毀珠玉可用登遨遊

橫術有奇士黃駿服其箱朝起瀛洲野日夕宿
明光再撫四海外羽翼自飛揚去置世上事豈
足愁我腸一去長離絕千歲復相望

猗歟上世士恬淡志安貧季葉道陵遲馳騫紛
垢塵寧子豈不類楊歌誰肯殉栖栖非我偶惶

狸非已倫咄嗟榮辱事去來味道真道真信可
娛清潔好精神巢山抗高節從此適河濱

梁東有芳草一朝再三榮色容豔姿美光華耀
傾城豈爲明哲士妖蠱譖媚生輕薄在一時安
知百世名路端便娟子但恐日月傾焉見冥靈
本悠悠竟無形

秋駕安可學東野窮路旁綸深魚淵潛矰設鳥
高翔汎汎乘輕舟演漾靡所望吹噓誰以益江
湖相捐忘都冶難爲顏脩容是我常茲年在松

喬恍惚誠未央

咄嗟行至老僂俛常苦憂臨川羨洪波同始異
支流百年何足言但苦怨與讐讐言怨者誰子耳
目還相差聲色爲胡越人情自逼適招彼玄通
士去來歸羨遊

昔有神仙士乃處射山阿乘雲御飛龍嗟噏噉
瓊華可聞不可見慷慨嘆咨嗟自傷非儔類愁
苦來相加下學而上達忽忽將如何

林中有奇鳥自言是鳳凰清朝飲醴泉日夕棲

山岡高鳴徹九州延頸望八荒適逢商風起羽翼自摧藏一去崑崙西何時復迴翔但恨處非位愴恨使心傷

閨門望佳人佳人豈在茲三山招松喬萬世誰與期存亡有長短慷慨將焉知忽忽朝日隕行行將何之不見季秋草摧折在今時

昔有神仙者羨門及松喬喻習九陽間升遐曦雲霄人生樂長久百年自言遼白日隕隅谷

夕不再朝今若遺世物登明遂飄飄

墓前熒熒者木槿耀朱華榮好未終朝連殿隕
其葩豈若西山草琅玕與丹朮垂影臨墻城餘
光照九阿寧微少年子日久難咨嗟